

**CENTRALNO GRIJANJE, TUZLA d.d.**

Krečanska br.1, 75000 TUZLA

Identifikacijski broj kod UIO: 209012500000

Identifikacijski broj: 4209012500000

Rješenje o registraciji: U/I-920/02

Matični registarski broj: 1-294

[www.grijanjetuzla.ba](http://www.grijanjetuzla.ba)

Broj: 12-04988-2025-10-2

Datum: 28.01.2026. godine

Na osnovu člana 64. stav 1. tačka b), člana 70. stavovi 1., 3. i 6. Zakona o javnim nabavkama ("Službeni glasnik BiH" broj 39/14, 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23) i člana 91. Statuta "Centralno grijanje" d.d. Tuzla, na Preporuku Komisije za nabavku broj: 12-04988-2025-8-1 od 27.01.2026. godine, u postupku javne nabavke – **Nabavka računarske opreme, Lot 2 – Diskovni sistem za pohranu podataka (Javna nabavka broj 66-12-2025)**, Direktor Društva donosi:

## ODLUKU o izboru najpovoljnijeg ponuđača

### Član 1.

**Prihvata se Preporuka Komisije za nabavku broj: 12-04988-2025-8-2 od 27.01.2026. godine, i Ugovor za nabavku - Nabavka računarske opreme, Lot 2 – Diskovni sistem za pohranu podataka, dodjeljuje se ponuđaču „INFONET“ d.o.o. Tuzla, ponuda zavedena na protokol ugovornog organa pod brojem 000301 od 14.01.2026. godine (Ponuda ponuđača broj 100Q4776 od 12.01.2026. godine), za ponuđenu cijenu u iznosu od 51.999,00 KM (bez PDV-a), kao najpovoljnijem ponuđaču.**

### Član 2.

Prijedlog ugovora dostaviće se na potpis izabranom ponuđaču u zakonskom roku, računajući od dana okončanja postupka.

### Član 3.

Ova Odluka, u skladu sa članom 70. stav 2. i 6. Zakona o javnim nabavkama, objaviće se na internet stranici Društva ([www.grijanjetuzla.ba](http://www.grijanjetuzla.ba)) i biće dostavljena elektronskim putem ponuđaču koji je učestvovao u predmetnom postupku javne nabavke.

### Član 4.

Ova Odluka ima se smatrati Obavještenjem i biće dostavljena svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

### Član 5.

Ova Odluka stupa na snagu danom donošenja, a za izvršenje iste zadužuje se Odjel nabave.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke br.: 12-12188-2025 od 29.12.2025. godine, a koja nabavka je provedena putem otvorenog postupka, sa procijenjenom vrijednošću javne nabavke do 76.000,00 KM, Lot 2 – 52.000,00 KM. Komisija za javnu nabavku imenovana je Odlukom ugovornog organa br.: 12-12189-2025 od 29.12.2025. godine, dok je Obavještenje o nabavci broj: 585-1-1-186-3-169/25 objavljeno na Portalu javnih nabavki dana 29.12.2025. godine.

Komisija za javnu nabavku dostavila je Direktor Društva Zapisnik o pregledu i ocjeni ponuda broj: 12-04988-2025-7-2 od 27.01.2026. godine, Preporuku o izboru najpovoljnijeg ponuđača broj: 12-04988-2025-8-2 od 27.01.2026. godine i Izvještaj o radu broj: 12-04988-2025-9-2 od 27.01.2026. godine, u postupku javne nabavke – Nabavka računarske opreme, Lot 2 – Diskovni sistem za pohranu podataka (Javna nabavka broj 66-12-2025).

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 2 (dvije) ponude,
- da su blagovremeno primljene 2 (dvije) ponude,
- da je ponuda ponuđača „**INFONET**“ d.o.o. Tuzla prihvatljiva ponuda koja ispunjava sve postavljene zahtjeve iz tenderske dokumentacije kako u pogledu dokazivanja kvalificiranosti, tako i u pogledu ispunjavanja zahtjeva iz tehničkih specifikacija kao sastavnog dijela tenderske dokumentacije, dok je ponuda ponuđača „**EMADO**“ d.o.o. Sarajevo ocijenjena kao neprihvatljiva i nepravilna ponuda iz sljedećih razloga:

Ugovorni organ je u tenderskoj dokumentaciji, tačnije u Aneksu 11 tenderske dokumentacije, ponuđačima dao Obrazac za evaluaciju karakteristika ponudene opreme za Lot 2 – Diskovni sistem za pohranu podataka. U napomeni navedenog obrasca učinio je razvidnim ponuđačima da u kolonu „Ref.Str“ moraju upisati stranicu iz ponude gdje je tačno navedeno da ponuđena oprema zadovoljava traženu funkcionalnost. To može biti ili samo broj strane kao na primjer "stranica 7" ili može biti referirano kao poglavlje ponude ili dio ponude kao na primjer "Server specifikacija, strana 7". Dalje je navedeno da na samoj toj stranici sama opisana funkcionalnost treba da bude jasno obilježena sa podvlačenjem ili označavanjem flomasterom za označavanje. U slučaju da se na istoj strani nalazi više funkcionalnosti iz tenderske dokumentacije, iste označiti a ugovorni organ može ukoliko bude potrebe tražiti pojašnjenje gdje je koja funkcionalnost pojašnjenja. U istom obrascu ugovorni organ je naveo da radi ispunjavanja minimalnih tehničkih zahtjeva potrebno je da u koloni "DA/NE" svi odgovori budu "DA", te da se tražena funkcionalnost može jasno vidjeti i dokazati iz dostavljene dokumentacije. Ukoliko je odgovor "DA" a nije pokazano u dokumentaciji ispunjenje te tražene funkcionalnosti, te ako je odgovor "NE", smatra se da ponuđena oprema ne zadovoljava minimalne tehničke uslove zadate tehničkom specifikacijom.

Izvršenim uvidom u ponudu ponuđača „**EMADO**“ d.o.o. Sarajevo Komisija za javnu nabavku je utvrdila da je ponuđač u koloni "DA/NE" označio oznakom "DA" sve tražene karakteristike, odnosno zahtijevane karakteristike, dok je u koloni "Ref.Str" označavao redne stranice kataloške dokumentacije na kojoj se nalaze opisi za diskovni sistem za pohranu podataka. Uvidom u katalošku dokumentaciju Komisija za javnu nabavku nije mogla pronaći sve tražene karakteristike diskovnog sistema posebno za stavku 1., "**Kratki opis traženog storage rješenja: skalabilni diskovni sistem za pohranu podataka, s redundantnim kontrolerima u konfiguraciji „active-active“, sa redundantnim diskovima, napajanjima i ventilatori zamjenjivi bez prekida rada, 19" kućište, za ugradnju u standardni serverski ormar (rack), sa mogućnošću ugradnje minimalno 24 diska**" za koju je navedeno da se opisi nalaze na katalogu/strani 5., i za stavku 2., "**Cache memorija: Min. 64 GB**

cache memorije po kontroleru", za koju nije pronađen podatak na stranici kataloške dokumentacije 1 i 2. Naime, na strani 2. Kataloške dokumentacije stoji podatak "In addition, the new systems come with faster front-end 200Gb Ethernet and 64Gb FC networking connectivity" ali tražena cache memorija (min 64 GB po kontroleru) se odnosi na radnu memoriju kontrolera za keširanje podataka (služi za ubrzanje rada storage sistema i direktno utiče na performanse (IOPS, latenciju)), a podatak u ponudi ponuđača se odnosi **brzinu Fibre Channel mrežnog interfejsa** (64 gigabita u sekundi) i čini **propusni opseg konekcije**, a ne memoriju. Za stavku 3., „**Podržane razine zaštite podataka od kvara diskova: Podrška za RAID razinu zaštite koja podnosi istovremeni ispad do dva diska.**“, za koju je navedeno da se nalazi na strani 3. kataloške dokumentacije, Komisija za javnu nabavku taj podatak nije pronašla. Kako se radi o neotklonjivim nedostacima u ponudi za koju Komisija za javnu nabavku ne može tražiti pojašnjenja, obzirom da traženi podaci i nisu navedeni u kataloškoj dokumentaciji, to je Komisija za javnu nabavku ponudu ponuđača „EMADO“ d.o.o. Sarajevo ocijenila neprihvatljivom i nepravilnom ponudom.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, Direktor Društva nije našao razloge nepravilnosti, niti propuste u radu, koji bi eventualno bili osnov za neprihvatanje Preporuke Komisije za nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju, nesporno je da je izabrani ponuđač ponudio najnižu cijenu ponude, kako slijedi:

| Naziv i sjedište ponuđača                                                    | Ukupna cijena ponude sa popustom bez PDV-a<br>KM |
|------------------------------------------------------------------------------|--------------------------------------------------|
| „INFONET“ d.o.o. Tuzla<br>Mehmedalije Maka Dizdara 26.,<br>75 000 Tuzla, BiH | 51.999,00                                        |

**Naziv ponuđača čija je ponuda ocijenjena kao najpovoljnija:**

|    |                                      |                                                                                                                                         |
|----|--------------------------------------|-----------------------------------------------------------------------------------------------------------------------------------------|
| 1. | Naziv ponuđača, sjedište i adresa    | „INFONET“ d.o.o. Tuzla<br>Mehmedalije Maka Dizdara 26.,<br>75 000 Tuzla, BiH                                                            |
| 2. | Ukupna cijena ponude bez PDV-a<br>KM | 51.999,00 KM                                                                                                                            |
| 3. | Rok isporuke                         | U roku koji ponudi ponuđač u svojoj ponudi, a maksimalan rok isporuke ne može biti duži od 30 (trideset) kalendarskih dana              |
| 4. | Mjesto isporuke                      | "Centralno grijanje" d.d. Tuzla, Krečanska 1, 75000 Tuzla, sjedište Ugovornog organa                                                    |
| 5. | Uslovi plaćanja                      | Odloženo plaćanje do 30 (trideset) kalendarskih dana po ispostavljanju fakture i zapisnika o preuzimanju robe ili ekvivalentan dokument |
| 6. | Garancija na isporučenu robu         | Određena je za svaku stavku u obrazcu za cijenu ponude                                                                                  |

Iz prethodno navedenih razloga, primjenom odredbe člana 64. stav 1. tačka b) Zakona o javnim nabavkama BiH, te člana 70. stavovi 1., 3. i 6. Zakona o javnim nabavkama (Sl. Glasnik BiH broj:

39/14, 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), i člana 91. Statuta "Centralno grijanje" d.d. Tuzla, odlučeno je kao u članu 1. ove Odluke.

**POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od **10 (deset) dana** od dana prijema ove Odluke. Žalba se izjavljuje Uredu za razmatranje žalbi BiH putem ugovornog organa, shodno članu 99. i 101. Zakona o javnim nabavkama. Žalba se podnosi u najmanje 3 (tri) primjerka.

Dostavljeno:  
2 x Ponuđači  
1 x a/a



**DIREKTOR**

  
dr. sci. Babajić Nermina, dipl. pravnik